

六藝之一錄

百六十



欽定四庫全書

六藝之一錄卷三百七十

錢唐倪濤撰

歷朝書譜

明

周天球

周天球字公瑕號幼海長洲人少遊文待詔門下習為書法待詔亟許可之曰他日得吾筆者周生也及

籍諸生不喜治帖括獨好古文辭日夜切劘久之其

業乃成書法亦日有名為吳人所宗

于慎行穀城山房集

公瑕善大小篆古隸行楷皆模範文太史晚能自得

蹊徑一時豐碑大碣無不出其手

馮元成集

太史張文忠公要公瑕至長安以布衣書金匱之首

簡欲言於上官之禁近遂巡謝歸歸而其名益顯重

弇州續橐

周幼海詩草

武古堂書畫彙考

周公瑕書道德經

晉史右軍傳及書斷俱云為山陰道士寫道德經籠

鶯而歸而梁武陶隱居所評右軍遺蹟則稱有黃庭
經青蓮居士詩直謂黃庭換白鶯黃長睿則以右軍
有道德而無黃庭為詩誤洪景盧則以右軍有黃庭
而無道德為史誤又有云詩史兩不誤者然今世黃
庭之蹟依稀尚存而道德則自古絕響矣今年六月
望後友人周公瑕避暑弇州園為作小楷二經道德
極精嚴有古意而黃庭真蹟之仍孫矣此子吾吳城
一時右軍僕之得此亦何異買王得羊哉惜無曇碾

白鷺作潤筆因題於後以志吾快奔州續稟

黃姬水

黃姬水字淳父長洲人五岳山人省曾之子也生而

幼敏山人出入必携之俱有所占屬每令同賦五岳

拙於書命淳父學書於祝京兆遂傳其筆法列朝詩集

黃淳父詩冊行草書式古堂書畫彙考

王穉登

王穉登字百穀先世江陰人移居吳門十歲為詩長

而駿發名滿吳會間妙於書及篆隸吳門自文待詔
歿後風雅之道未有所歸伯穀振華啓秀噓枯吹生
擅詞翰之席者三十餘年閩粵之人過吳門者雖賈
胡窮子必躡門求一見乞其片縑尺素然後去

列朝詩集

王伯穀隸書適古大勝真草

游居錄

王伯穀詩卷

式古堂書畫彙考

吳元恭

吳元恭字仲內嘉靖乙卯舉於鄉六上公車不第潛

心六藝百家尤喜圖史丹青彞鼎以自娛工書得右
軍之法常寄跡僧舍混於田夫野老中人莫之識也

申時行賜

閒堂集

曾喬

曾喬字子木號六柱生長於古文詞善草書有晉人
之致嘉靖中以貢為潯州推官轉路南州知州

伍讓
衡州

府志

林應禧

林應禧錢唐人林章子能世其家學以楷書儒士授

鴻臚寺序班與修武宗實錄累官順天府丞

杭州志

楊子亨

楊子亨字履卿號南溟華亭人嘉靖乙酉舉於鄉為

順天府推官終工部郎中楷書行書摹擬北海

松江志

白悅

白悅字貞夫號洛原武進人少從陽明王先生學嘉
靖壬午舉順天鄉試官至尚寶司丞為古文歌詩行

草小楷皆有法意興所到濡筆引紙往往屈其坐人

世經
堂集

梁典

梁典字惇伯順德人嘉靖中舉於鄉為南康通判博

古工詩翰喜談名理今得其隸書者競珍之

分省人
物考

朱俊格

朱俊格代簡王之裔孫也嗜學善屬文聚書數萬卷

尤好古篆籀墨蹟手模六十餘卷勒石名崇理帖

書史

會要

朱致槻

朱致槻益陽王寵淄季子也封鎮國將軍覽涉書史

善為章草

朱維禎大
泌山人集

朱拱枘

朱拱枘號白賁瑞昌王孫封奉國將軍嘉靖時上大

禮頌一章賜勅褒獎行草得晦翁體格名重一時

書史

會要

朱多燬

朱多燬字宗良號貞湖一號密菴拱杓從子封鎮尉

博學好修以辭賦名草書宗孫虔禮筆法茂美書史會要

彭年

彭年字孔嘉號隆池吳人以文行舉為郡諸生尋謝

病免書初法晉人已為楷其小者信本大者清臣行

草則子瞻王世貞吳中往哲像贊彭孔嘉書石湖記卷行楷

書 彭孔嘉書南山之什序楷書 彭隆池詩帖式古

堂書畫

彙考

彭孔嘉書石湖記

卷首為文壽承大書石湖春曉陸子傳作圖於前約

畧彭記澹宕可觀而隆池書尤勝

珊網

顧德育

顧德育初號少潛晚稱安雅生吳縣人抱甕灌蔬以
資朝夕暇則垂簾焚香趺坐尤好讀書得異本必手

抄至數十百冊詩法岑嘉州字法鍾太傅

馮元成集

德有書法酷似徵仲惟老密處有別耳

王世貞三
吳楷法跋

陸中行

陸中行字伯與華亭人慕陽羨山水遷陽羨未幾遷

姑蘇事文太史與顧德有彭年善吳人目為三高書

法大令每得乞書錢即付酒家多則斥之

馮元
成集

陸治

陸治字叔平號包山長洲人隱支硎治圃不出善行

草

書史
會要

張鳳翼

張鳳翼字伯起長洲人與其弟獻翼燕翼並有才名

吳人語曰前有四皇後有三張老於公車善書晚年

不事干請鬻書以自給

長洲縣志

伯起平生臨二王最多退筆成冢雖天趣小竭而規

度森然

弇州山人稟

張獻翼

張獻翼字幼于初名鵬翼字仲舉一名敫鳳翼之弟

棄諸生不就試以詩豪七子中負性高舉行事駭凡

俗楷書不入法而澹遠之氣令人意消

書史會要

張燕翼

張燕翼字叔詒鳳翼獻翼之弟偕鳳翼領鄉薦亦善

書

弁州續彙

文肇祉

文肇祉字基聖號鴈峰國博公彭長子十試有司不

售就選上林苑錄事詩文草隸髣髴國博公

文氏族譜

文開雲與凡夫札行草書

式古堂書
畫彙考

王山

王山字靜之號海槎華亭人能醫補醫學正科家多
藏書所為詩文及楷書行草皆出入諸體妙契精奧

世經
堂集

孫得原

孫得原字本卿別號鴈洲楷宗顏平原八分法鍾太
傅小篆倣李丞相詩句出入陶謝元白諸家操行甚

卓縉紳雅重之

何三畏漱
六齋全集

孫克弘

孫克弘字允執號雪居文簡公承恩子以父任為應

天治中擢漢陽知府正書做宋仲溫八分宗秦漢

松江

志

項元淇

項元淇字子瞻別號少岳補諸生尋游南太學謁選

得上林錄事雅非其好為古文辭時逼秦漢詩更雋

求好臨摹法書小楷嚴整尤工草聖

快雪堂集

項子瞻與三弟六札行草書 少岳山人施事札行

草書 項子瞻蘭蕊札行草書 少岳南園雜詠詩

帖行草書 項少岳送嚴少渠詩帖草書 少岳山

人與二上人札行書 項子瞻惠泉札行書 項少

岳與定湖札行書

式古堂書畫彙考

項元汴

項元汴字子京樵李人好收金石遺文圖繪名蹟凡

斷幘隻行悉輸其門所與游皆風韻名流翰墨時望
如文壽承休承陳淳父彭孔嘉豐道生輩或把臂過
從或遺書問訊久而彌篤書法出入智永趙吳興號

墨林居士 畫禪室
隨筆

項德純

項德純名穆以字行墨林子官中秘書法擅長與少

岳齊名 秀水志 貞玄道人近作詩帖行草書 項貞

玄書折楊柳詩帖草書 貞玄道人元旦詩帖 式古堂書

畫彙

考

德純於晉唐名家罔不該會而心慕手追者逸少稍
稍降格亦不減率更令故其於蘭亭聖教必日摹一
紙以自程督雖猛熱竺寒不暫休頓著書法雅言上
下千載品第周贍進乎技矣

沈思考陸
沈漫稟

俞允文

俞允文字仲蔚崑山人少工臨池久而益擅之小隸
駸駸歐柳而上登吳興堂行書出入褚河南而稍縱

之則米襄陽八分自謂得西嶽碑體以方韓蔡茂如

矣

弇州續彙

俞仲蔚書金剛經

褚登善書陰符柳誠懸書度人二經余見褚石本又於項吏部處見柳真蹟皆小楷而柳尤勁挺有風骨今年春仲蔚為余書金剛經一冊微用米顛筆而八法種種不乏其得柳為尤深此經是佛最妙語破一切著比之陰符度人故不與易也凡書金剛經者眉

山吳興并仲蔚而三皆法寶兼墨寶故志之

舟州山人橐

盛時泰

盛時泰字仲交號雲浦金陵人行書學米學蘇可謂

絕妙小楷學倪元鎮

唐氏小辨

仲交隸字更優有玄牘

記一冊品題古今名帖

金陵瑣事

陳芹

陳芹字子野家金陵弱冠舉於鄉與盛仲交諸人結

青溪社謁選知奉新縣調寧鄉

靜志居詩話

陳芹寫章草亦斐然

詹氏小辨

子野法鍾王俊逸可愛

金陵瑣事

顧源

顧源字清父世居金陵少豪雋不羣詩與書畫皆不

泥古法其論書曰書須古法四分已意六分乃妙不

然縱筆筆似古終成奴書不足貴也

上元志

源號丹泉更號寶幢居士書法李懷琳

書史會要

顧寶幢清父法孫過庭筆力遒勁古雅

金陵瑣事

姚澗

姚澗字元白力學好古游情翰墨居秦淮上闕市隱園日與名賢賞詠其中詩宗大厯書法趙黃弱冠入

太學謁選授鴻臚

江寧府志

姚秋澗元白行書出入於黃山谷趙松雪兩派而得

於松雪者為多

金陵瑣事

徐渭

徐渭字文長山陰人為邑諸生胡少保宗憲督師澗

江招致幕府管書記行草書精偉竒絕嘗言吾書第
一詩二文三畫四識者許之其論書主於運筆大槩

昉諸米氏云

陶望齡
歌菴集

文長喜作書筆意奔放如其詩蒼勁中姿媚躍出在
王雅宜文徵明之上不論書法而論書神誠八法之

散聖字林之俠客也

袁宏道
中郎集

徐文清書李杜詩帖草書

徐文長書大江東去詞

帖行楷書

徐文長評字手蹟

青藤道士諸詩帖

行草書 天池山人書太白詩草書

沈明臣

沈明臣字嘉則鄞縣人為博士弟子胡少保宗憲督師平倭偕徐渭辟置幕府嘗譙將士爛柯山下酒酣樂作請為饒歌十章援筆立就少保命刻石置山上

鄞縣志

沈明臣善書

詹氏小辨

陳鶴

陳鶴字鳴埜一字九臯山陰人穎悟絕羣年十餘已

知好古置竒帙名帖窮日夜誦覽十七襲其祖軍功
官得百戶鬱鬱負竒疾棄其所授官著山人服其所
作為古詩文若騷賦詞曲草書圖畫能盡效諸名家

間出己意工贍絕倫

徐文長集

鶴真書得晉人位置法頗有韻第太肥乏鋒穎自云
出鍾太傅其徑四五寸以上者勁秀絕倫草效狂素

亦枯硬結構未密

紹興志

蕭翊

蕭翊字汝臣號雲萊子性絕聰明亦絕踈落薄世俗
而有物外想不喜舉子業獨喜秦漢古文老莊諸子
仙釋經錄及古書法以故楷甚精

徐文長集

黎民表

黎民表字惟敬從化人嘉靖間鄉貢進士選入內閣
為制勅房中書舍人終布政司參議隸書師文待詔

得其家法

靜志居詩話

民表篆隸行草俱入妙品

書史會要

黎民懷

黎民懷字惟仁民表弟嘉靖乙丑膺歲薦廷試後遽歸絕意仕進詩清曠閑逸不減王孟書繪出入晉宋

時稱三絕

廣東通志

黎邦琰

黎邦琰民表之子舉進士歷官布政司參政亦能其

父書而小楷法王大令雅秀而潤

詹氏小辨

林承芳

林承芳字開先民表之甥舉進士授翰林編修學舅

各體似之

詹氏
小辨

方登

方登字嘯門建業人慕孫登之為人故以為名及字
愛治城林木幽邃即其麓家焉書摹雲麾間為小詩

以自適

靜志居
詩話

張遜業

張遜業字有功號甌江永嘉人張文忠公孚敬之子

以恩入太學官至太僕寺丞詩歌宏麗又能縱筆為

行草

弇州山人稟

梁孜

梁孜字思伯別號羅浮山人人稱之曰浮山大學士

梁儲孫官禮部主事能詩善書

粵中人物志

梁孜楷書得

文徵仲結法

廣東通志

張允孝

張允孝更名初字太白人稱貞白先生少游文徵仲

之門工六書長於詩晚居沙岡不踏城市

松江志

章文

章文字簡甫後以字行長洲人楷法絕類文待詔兼

工鐫刻待詔所書石非簡甫刻石不快

弇州續稟

章藻

章藻字仲玉簡甫之子能習父業書法尤精

弇州續稟

吳錦

吳錦字有中休寧人受筆法於許元復書各體俱能

分書入妙幾逼文待詔號六松山人

詹氏小辨

張電

張電字文光號賓山上海人書宗李北海有煙飛霧結之形楷字以二沈為模亦稱妙品夏文愍公見其書而賞之以儒士薦於朝受知世廟供奉館局官至

禮部侍郎

松江志

張電以布衣入都受知世廟其得君甚專嘗命書古賦一篇電書完即歡飲大醉上遽召內侍掖之而行

上視所書賦甚悅見其醉狀連呼酸子而已遣之歸

松故
迷

電學書於陸文裕能通其秘筆法宗李北海而規模

沈氏首為楊遠菴夏桂洲所稱

書史
會要

電書極圓熟妍美所取顯重者特姜氏體耳

吾學
編

浦澤

浦澤字時濟號小癡上海人有慕逸民之風終身不
娶嗜晉唐古帖無不臨摹窮其波磔之妙以能書著

名一時 松江志

浦澤少與張電學書於陸文裕 書史會要

顧亨

顧亨字汝嘉長洲人行草篆隸並入能品真楷為一

時之冠以書事肅皇帝歷官至太常寺丞 皇甫訪長洲志

曹學

曹學字行之號太狂蜀人嘉靖初客遊滇西性豪放

能詩草書道勁性嗜酒居榆之中和峰日繫錢與壺

於驢背遣入城市酒人知為曹之驢也取錢貯酒復

遣而歸後同楊慎寓居蒙

雲南通志

王如

王如字玉如號闐西烏鎮人性狷介能安貧工書法

嘉靖中授四夷館通事舍人與豐坊友善

張園真烏青文獻

王國相

王國相晉江人嘉靖二十五年舉於鄉官知縣書得

蘇黃體

歐大任清源文獻

徐樞

徐樞邵武人嘉靖間為雷州通判工書法善吟詠

閩書

趙性魯

趙性魯字師曾樂清人以善書受知世宗授鴻臚寺

序班進大理寺副

温州府志

鄭文賢

鄭文賢字宗儒福安人嘉靖十九年貢士博學善詩

賦尤精書法仕湖廣布政司都事

閩書

李惟柱

李惟柱號本石京山人領鄉薦嘉靖中為常熟教諭

書宗顏魯公

蘇州志

談相

談相禾人世宗朝命書望月亭書法嫌犯避者屢矣

相依六書正譌從亡從月從壬為望字遂擢中書

黃承

璉海

寧志

錢仲

錢仲字子仲慈溪人善詩歌精篆籀學有李陽冰筆
意嘗游陸詹事深文待詔徵明之門嘉靖戊子應六
書試仲居首選發史館修錄大學衍義書成授中書

舍人 張時徹
寧波志

蘇洲

蘇洲號雪蓑道人杞縣人幼落魄江湖嘉靖中寓居

章邱工琴善草書 山東
通志

洲作方丈以外大書濃瀟數斛信手飛步倏忽而成

矯健有勢

書史會要

張書紳

張書紳與蘇洲同時行草似方元煥而少加圓利

藝苑

厄言

吳君懋

吳君懋字德懋別號高河寧陽人嘉靖貢士官順慶

府判工篆籀行草

書史會要

李麟

李麟字應禎號西藪江陵人讀書善解悟尤工字書

得子昂體為王族館甥授儀賓

荆州集

康學詩

康學詩字伯正華亭人以春秋舉鄉試為饒州府推

官好讀書工詩能署書

舟州山人彙

陸旅攜

陸旅攜初名應節更名鳴僕為諸生有聲輒試不利

乃益讀左史諸書又好為詩工於書

舟州山人彙

王樗全

王樗全初名鼎字康生太倉人書法健利有致晚得

鍾太傅受禪碑習之至忘寢食以故於八分尤精

州

山人

沈文楨

沈文楨字時幹鄞人家芙蓉江上足魚蟹興至輒釣

因自號漁江工書能作方丈大字

舟州山人

沈大中

歸有光卅有堂記云沈大中以善書名里中及為歌

詩意灑然不俗也震川集

成希召

成希召山陰人三歲即能誦古人詩五六歲漸及書

史屬文尚竒古工草書善鼓琴刑名術數無不通曉

年十四卒孟洋有涯集

郭岱

郭岱華州人書顏體有名籍禮部儒士王維禎存竒集

周仕

周仕字用賓號草岡廬陵人為古文詩歌不道唐宋
以下語又多識篆籀工書法難字稱引奇僻不可流
誦

任傑

任傑字漢臣能詩文善楷書謝去諸生誦讀書史多

聞見終身不忘

韓邦奇
苑洛集

甘彥

甘彥字士美永新人嘗構屋叢竹之間自懋於學人

稱之曰竹屋先生詩得唐體字得顏體

鄒守益東廓遺稟

華恩

華恩字承之號愚坦書法宗沈大理篆隸行草種種

有體

水南文集

孫官

孫官字德懋平湖人能為古文辭楷書甚道勁大字

亦雄俊有神采

鄭端簡公集

羅輅

羅輅字木天山原人善詩楷書宗顏氏皆有法度

羅念

卷集

顧瑤

顧瑤字士輝號蘊菴揚之通州人為博士弟子尋入太學七試竟不第遂厭棄舉子業縱觀經史百家為文學馬遷詩宗李杜書倣晉宋諸名家尤識古文奇

字贈都察院右副都御史

賜閒堂集

張惟正

張惟正號野雲鄞人隱於耕稼工漢隸義獻行草書

法為詩瀟灑出羣

張時徹芝園集

唐世美

唐世美號月樓武進人草書窮極竒變開闢閃縮上

逼懷素詩歌有唐人風嘉靖中年七十餘詔賜冠帶

荆川文集

李孟楨

李孟楨字子吉汝陽人為濟陽訓導學朱晦翁書逼

真其墨跡遺士大夫家視為拱壁

李宗延汝陽志

宋椿

宋椿字子元號沙衢善屬文尤精大字草書人咸稱

重可追羲獻

鄭之亮臨淮縣志

唐成

唐成字惟敬號天慵子詩有晚唐風書得晉人筆意

嘗構蒲竹清居蓄名帖古畫終日吟玩

王應麟鎮江志

韋椿

韋椿字大年丹徒人究心理學無復宦情工於詩善

行草初師索靖後更學眉山考亭

鎮江志

陸晒

陸晒字華甫隱居畢澤因號畢淵少從文徵明遊書

畫得其遺意尤工於詩

常熟志

何錚

何錚字子端號言山常熟諸生性好書得即鈔較朱

黃不去手工書法有石刻金網經行世

常熟志

顧從義

顧從義字汝和上海人性好石嘗得米元章研山而寶之遂以為號肅皇帝詔選善書者入殿直應試稱旨拜中書舍人直文華殿擢大理評事楷書逼鍾尚書行草宗右軍父子徑尺大字則倣顏平原趙承旨摹勒諸帖有淳化閣帖閣帖釋文十七帖張旭煙條帖右軍蘭馨帖柳公權蘭亭玉泓館蘭亭

松江志

王埜

王埜字貞翁山陰人築室卧龍山南教授自給號蛻

巖道人為詩冲澹自得書法逼趙吳興

山陰志

朱俸

朱俸字思廉海鹽人攻字學得六書大旨做管夫人

書七十二篆金網經人多珍重

海鹽圖經

吳三畏

吳三畏字常惺無錫人能詩工作懷素草書薦授武

英殿中書嘗作錫山遺響十二卷

無錫志

余重謨

余重謨將樂人善飛白大者如蓋宗考亭東坡法楷

草似祝枝山陳白沙海內傳寶之

延平志

汪徽

汪徽字仲徽婺源人詩極壯麗工八分書性傲岸時

以方盧次榎云

徽州志

康誥

康誥昆明人出著破鞞人稱康破鞞好讀書性嗜酒
 善洞簫書法祝允明居常以玉屑和泥置袖中團弄
 陶作硯堅潤類未央銅雀人名康硯亦不多作貴介
 求之終不可得

雲南通志

張德讓

張德讓字士美號西岳華亭人為郡諸生好吟咏工
 真草書宗李北海師陸文裕公悉授以秘訣遂成名
 筆莫方伯中江亦推重焉後跂足作病鶴賦以自况

松江志

林大楨

林大楨字及甫初名宅遠晉江人為平陽教諭書蒼勁有黃山谷之致喜為人書日貯墨汁以應人求

閩書

金光初

金光初字玄予江寧人隆慶丁卯舉於鄉仕為奉新

令遷安縣

江寧縣志

光初善真行書

續說

黃猷吉

黃猷吉山陰人隆慶戊辰進士官至僉事善書大字

山陰志

湯煥

湯煥字堯文號鄰初仁和人隆慶庚午舉人為江陰教諭工翰墨持練素索者應之無倦色獨不可以金帛致後徵為翰林待詔轉郡丞吳越間比之文待詔

馬江陰志

煥書楷學虞行學趙草學懷素並入能品

詹氏小辨

顧大典

顧大典字道行吳江人隆慶戊辰進士官至山東按

察副使工書

吳江志

鄭夢禎

鄭夢禎字開甫別號龍山福清人隆慶庚午舉於鄉
除寧晉教諭擢南京國子助教為蘄州知州酷愛草

書學懷素大得神解

葉向高
蒼霞集

許光祚

許光祚字靈長與湯煥同郡得其書法時人號曰湯

許舉於鄉知太平縣

杭州府志

張應雷

張應雷字思豫號順齋金谿人隆慶辛未進士授湖

州府推官多著作工韻語兼善書畫

撫州志

吳撫謙

吳撫謙字汝亨號文臺臨川人隆慶辛未進士官至

按察僉事善大書

撫州志

李登

李登字士龍上元人隆慶初以選貢充太學生授新

野令精六書之學直探其奧

江寧志

李登善真行草鍾鼎小篆

續說

李登行書學聖教序結構不失小篆學嶧山碑於鍾

鼎文尤妙說者以為豐南禺之後一人

金陵瑣事

常信

常信字國寶世居常之江陰家貧攻苦力學不少怠

精考六書南宮以書學校士國寶為第一人隆慶改

元授南印局使晉撫州照磨

江陰志

章國舜

章國舜字伯玄號秀南新昌人隆慶改元貢入太學

選得閩之政和令書法喜顏蘇工漢隸獨不好為草

書

馮伯誣
虛舟集

談志伊

談志伊字思重歷官中府經歷字學曹娥碑

無錫志

徐令

徐令號榆菴善書魏恭簡公校極重其品

吳中人物志

張拙

張拙字汝吉能詩善篆隸隱居不仕陸文裕公引為

社友

松江志

張思

張思字永思博學善楷書與徐文貞公為文字交

松江

志

冀孚

冀孚遂平人為陝西寧夏訓導工楷書

王致和
遂平志

徐松年

徐松年字貞甫曹縣人長於詩文真楷草隸縱橫自

得

曹縣志

木青

木青號松鶴木公恕之曾孫也能詩善書

靜志居
詩話

梁桂茂

梁桂茂善八分書官臨安知府

江寧府志

黃珍

黃珍字懷季書學徐九峰能亂真

江寧府志

錢寶

錢寶字文善號復齋詩多藻思工小楷行書又精於

醫

鎮江志

林天駿

林天駿字守良嘉靖間人官膠州知州小篆學李斯

福州府志

夏霽

夏霽字德潤海鹽人好詩工篆隸

海鹽圖經

姚章

姚章字尚綱詩有陶謝風書法宗黃魯直

松江志

林應龍

林應龍字翔之永嘉人精於篆隸為印局大使

温州府志

王儀

王儀字汝儀自稱古鐵生詩法陶孟字法懷素即之

海鹽

圖經

王文禎

王文禎海鹽人善行草挾詩卷游齊魯間老為衡府

記室

同上

陳言

陳言字國禎無錫人書做曹娥碑

無錫志

吳應卯

吳應卯字三江祝允明外孫習允明書輒能亂真

無錫

志

莫拙

莫拙嘉靖時人善草書

任餘福安吉州志

胡介

胡介字汝方工小篆筆法遒勁舉戊子鄉試知鄒平

縣

林雲程通州志

彭燦

彭燦字玉瑩號海漁工六書碑軸多出其手

田樾全椒志

賈澄

賈澄字本清掖人涉書史工顏帖筆力遒勁知登封

縣 趙耀萊州志

張懋英

張懋英貴州平越衛人性孝工書博學能文

黔記

周鯤

周鯤莆田人官江西按察副使工文翰精書法

陶書

方淇

方淇莆田人善楷書

同上

陳壽徵

陳壽徵以字行莆田人工數體書尤善八分

同上

陳自然

陳自然壽徵子為四會令亦工書

同上

張堯民

張堯民字從仁治毛詩累舉不第善字法

鄧蔽常
熟志

陳裸

陳裸字誠將初名瓚字叔裸吳縣人善楷書

牛若麟
吳縣志

浦博

浦博嘉定諸生善楷隸

楊旦嘉
定縣志

周光

周光字韜叔吳人書出陳道復

王世貞三
吳楷法跋

程大倫

程大倫字子明吳人書法全摹徵仲

同上

毛文煥

毛文煥字豹孫書亦楚楚

同上

劉傳

劉傳字良習號月川含山人詩文書法不為近習

書史

會要

陸九州

陸九州字一之號修吉無錫人嘉靖初為博士弟子

善書

同上

俞憲

俞憲字汝成號是堂無錫人官至按察使善署書

同上

高松

高松字守之號南崖文安人能書兼真草篆隸大字

書史
會安

梁辰魚

梁辰魚字伯龍崑山人以詩及行草名嘉隆間

書史
會要

江恩

江恩字世祿襲職為千戶日臨二王帖數過又嗜書

輒手錄之諷誦不輟

林雲程
通志

六藝之一錄卷三百七十

欽定四庫全書

六藝之一錄卷三百七十一
錢唐倪濤撰

歷朝書譜六十一

王明

申時行

申時行字汝默號瑤泉吳縣人嘉靖壬戌賜進士第一累官少師兼太子太師吏部尚書中極殿大學士

謚文定

吳縣志

時行廷試時上見所對策詞札兼美擢為第一

分省人物

考

文定善真行草書有賜閒堂帖行世

葉向高
蒼霞集

王錫爵

王錫爵字元馭號荆石太倉人嘉靖壬戌進士萬歷

十二年以禮部尚書兼文淵閣大學士進太子太保

吏部尚書建極殿大學士謚文肅

列卿
紀

文肅深於書書尤深於唐碑晚年猶懸碑刻滿四壁

特不欲以書名耳

書畫眼

文肅書小楷清整秀勁大可徑寸者尤骨重脈和特

為合作

婁堅學古緒言

王元馭書黃庭經

元馭學士書法在虞褚間而過自謙抑不肯與墨池盟間興到作一薄疏竟則裂之或有求者復不應以故行世絕少今年乃為華亭徐長孺書黃庭內景經神采風調翩翩出蹊徑外吾不知於汝南公主志枯

樹賦如何書陰符經者信本登善度人者誠懸金剛
者子瞻法華大洞玉者子昂余皆獲寓目焉昔許黃
門所藏楊司命書內景已散佚貞白先生間關訪購
久而後得之長孺僅一叩而得元馭手授不亦大幸
哉今人知寶右軍殘誤之外景而不知司命有內景
惜其靈翰永祕聊為拈出之以元馭書作司命隆準

可也

弇州
續稟

王文肅書

太原相公書繇聖教孫虔禮出大是書家而靳不與
人書此其為州大夫今觀察韓公書初覺風骨凜然
久之頓成嫵媚太原一辨香真為韓南宮

來禽館集

王衡

王衡字辰玉號緱山文肅公子戊子順天舉首辛丑

會試第二廷試亦如之授編修劾令清舉飄飄若霞

外人詩文有權度鉢兩書法出顏平原蘇眉山

眉公集

辰玉雖不沾沾論書乃眼白一世鮮所許可其天骨

既爾秀絕而盤旋唐晉間工力兼至或以為學蘇子

瞻子瞻實不能盡辰玉也

畫禪室
隨筆

編修君天授既優工力日深小自指頂而上至徑可

二寸皆極媚好更饒風骨又大而四五寸或大至尺

餘皆不煩繩削而趣溢出更假之年直可追躡晉宋

名蹟

學古
緒言

王家屏

王家屏字忠伯大同山陰人隆慶戊辰進士歷官禮

部尚書文淵閣大學士贈少保謚文端

分省人
物考

顯皇帝嘗命講臣書扇王文端家屏書訖誤用私印
竄滅其跡上問故諭文端復用私印而手擇十扇畀

王文端書每呼為王黑子

王劔
尊聞

王世貞

王世貞字元美號鳳洲太倉人嘉靖二十六年進士
授刑部主事萬曆中為南京刑部尚書贈太子少保

吾學
編

字名顧吳中諸書家唯元美一人知法古人

詹氏小辨

世貞書學雖非當家而議論翩翩筆法古雅

書史會要

王弇州書雜詩帖行書 王鳳洲與白川札行書

王元美與仲蔚八札行書

式古堂書畫彙攷

王世懋

王世懋字敬美別號麟洲又號損齋或曰牆東生舉

進士官至南京太常少卿專精古文辭餘事乃及筆

札

弇州續稿

世懋書無俗筆多從晉帖中流出

書史會要

敬美書右軍分甘青李二帖摩詰輞川疏東坡種橘

帖弇州謂用黃庭小法出入洛神

孫鑠居業編

王敬美與仲蔚札行書

式古堂書畫彙考

袁福徵

袁福徵字履善號太冲華亭人嘉靖甲辰進士授刑

部主事左遷南陽王長史與王元美李于麟並馳海

內文法顏延之詩宗杜工部行草倣蘇端明

松江志

袁履善詠梅詩帖行書 袁峻陽曉仙謠帖行草書

式古堂
書畫攷

王泮

王泮字宗魯山陰人嘉靖乙丑進士萬厯中為湖廣

參政居官廉潔焚香靜坐若禪室詩辭冲雅書法道

麗有其家右丞右軍之致

分省人
物考

王泮書宗二王善小楷大幅草書如龍蛇天矯世皆

寶之

山陰
志

張元朴

張元朴字子蓋別號陽和其先蜀人徙家山陰隆慶辛未進士第一人授翰林修撰萬厯中為左諭德兼

侍讀

山陰志

張子蓋書岫嶺山房記

式古堂書畫彙考

邢侗

邢侗字子愿臨邑人甲戌成進士授南宮令終行太僕寺少卿書法鍾王虞褚顛米禿素而深得右軍神

體極為海內所珍內豎以字扇進覽上欣賞命女史
學其書邢司馬平倭至高句麗有李狀元妻託致意
子愿願為弟子朱宗伯出使從人適携其字二幅購
之黃金同價琉球使者入貢願小留買邢書去

李維楨大

泌山
房集

侗法書工諸體章懷鍾索虞米褚趙規撫肖像咄咄
逼人而其最會心慊意尤在右軍居然有龍跳虎卧
之致試取臨池妙墨錯雜諸名帖中不辨蠅頭真楷

道媚如舞女低腰仙人嘯樹它擘窠大書體勢洞精
奕奕生動雄強如劔拔弩張竒絕如危峰阻日孤松
單枝而一種秀活又如揚州王謝人共語語便態出

也

史孝先來禽
館集小引

邢子愿書模二王幾於奪真而自運故佳

玉劔
尊聞

邢侗以詞翰著稱臨做法帖雖未能盡合古人但筆

力矯健圓而能轉時亦有得

書史
會要

邢子愿書詩句

邢太僕雲破句并柬

邢子愿評

祝京兆帖 邢子愿與昭甫札 邢來禽醉記帖

邢太僕送高徵君詩 邢來禽五月即事詩 式古齋書畫彙

攷

邢子愿法帖

余少得古榻十七帖為邢子愿先生鑒定又綴語其後知先生書法斷以山陰為宗唐宋名家不以屑意已又得其雜札數通古澹園渾上掩鍾索昭代文祝諸公無是調度也此刻大都與馮青方先生往來遊

戲翰墨之語氣酣神肆有類中散絕交書者有類虛
白神仙起居法者情韻逾廓軌度逾超積卿使君携
以入茗而刻石署中正如甕社之珠泳波而達震澤
照耀南天光景煜煜其裨益我南士不淺使君神明
此特政之刃餘顧琳卿寶祕即與嘉肺二石並垂誰

曰非可

靜志居
詩話

邢子愿尺牘

邢子愿為友人作扇頭書多青李來禽語意其人必

善臨池者流恨雲山間之無繇見其人之風流藻翰
頃從姚百雉卷中見其遺牘政如桓南郡坐廳事上
一時雪飛五版並答皆粲然有章而惜乎子愿已矣
九泉下顧安所得知己其人百函相往復乎雖然子
愿非常人也生而為才子死而為才鬼疊韻千嶂清
吟一灣月下歌之當必如劉妙容婉轉可聽而物既
多姿態復屢遷恨不隨珠襦玉腕流播向人間也

錢文

薦麗矚
樓集

余孟麟

余孟麟字伯祥江寧人萬曆二年進士第二人授編

修官至南京國子祭酒

江寧府志

孟麟善真草

遜園居士傷逝

記

余世奕

余世奕孟麟孫真草師閣帖筆勢道美行列古雅較

乃祖司成當有出藍之譽

江寧府志

趙南星

趙南星字夢白高邑人萬曆甲戌進士歷官考功郎

中削籍里居起拜吏部尚書遣戍大同諡忠毅

列朝詩集

趙夢白書沉渾鴻博秀色可餐

游鶴堂墨藪

林堯俞

林堯俞字咨伯莆田人萬曆己丑進士由庶吉士官

至禮部尚書好學束修雅負物望

閩書

堯俞善書法魏忠賢敦請不與忠賢矯詔命公題扁

公大書畏天堂三字題曰禮部尚書某奉旨書

靜志居詩

話

陳泰來

陳泰來字伯符別號員嶠萬歷丁丑進士累官禮部

員外郎抗疏謫饒平典史書法有晉人風

馮伯誣
虛舟草

馮大受

馮大受字咸甫少負才名工書法深為王世貞莫如

忠所器重萬歷七年中鄉薦知慶元縣

松江志

馮咸甫微風詩帖行書

式古堂書
畫彙攷

陳璋

陳璋字公獻光州人七歲舉竒童稍長工詞賦精右軍書弱冠登高第終刑部郎中李于麟王元美皆推

許之

分省人物考

臧懋循

臧懋循字晉叔長興人萬歷庚辰進士風流任誕官

南京國子監博士

長興縣志

晉叔書一意臨摹而時苦生意之不足

清河書畫舫

溫顯

溫顯字公宣號純菴良之玄孫萬厯庚辰進士官戶

部員外郎工楷書行草

閩誌

張萱

張萱字孟竒號九岳別號西園博羅人萬厯壬午舉

於鄉官至戶部郎中真草篆隸皆工

書史會要

董嗣成

董嗣成字伯念烏程人萬厯庚辰進士善行楷

書史會要

秦可貞

秦可貞字季章咸寧人萬曆五年進士改庶吉士出

知富陽縣善臨池殘牘敗策人爭寶之

王庭咸寧縣志

朱國祚

朱國祚字兆隆秀水人萬曆癸未進士第一人授修

撰熹宗時為戶部尚書武英殿大學士贈太傅謚文

恪為文醇雅宏暢書法遒勁

項玉筍稿李往哲續編

于若瀛

于若瀛字元綱濟寧人萬曆癸未進士授鳳陽推官

歷官陝西巡撫

山東通志

報恩寺三藏殿娑羅館扁濟

寧于若瀛書

江寧志

劉黃裳

劉黃裳字玄子光州人七歲能摹逸少書十歲寓長

安賦京都諸篇登萬曆丙戌進士授刑部主事遷兵

部員外郎

李本固汝南志

黃裳草法二王兼倣張長史黃太史

詹氏小辨

黃輝

黃輝字平倩一字昭素南充人萬曆己丑進士選庶
吉士授編修官止詹事府少詹事己丑同館者詩文
推陶周望詩畫推董玄宰而平倩之詩與書與之齊

名靜志居
詩話

輝楷法鍾元常亦作行書

書史
會要

黃昭素獨操機杼而置古帖中亦不可復辨

玉劔
尊聞

黃昭素宣聖贊

黃平倩書端正好詞

黃少詹題

桃源圖

式古堂書畫彙攷

蔡元履黃平倩書跋補錄卷末

焦竑

焦竑字弱侯號漪園學者稱為澹園先生南京人萬

曆己丑進士廷試第一人授修撰贈宮諭

分省人物考

焦弱侯真行結法眉山散朗多姿而古貌古骨有長

劍倚天孤峰刺日之象

客座贅語

焦尊生

焦尊生字茂直焦竑子善真行書

續說

沈天啟

沈天啟字生子萬歷十四年進士知奉新晉江二縣

江寧府志

生子真書師晉諸王而披拂點畫具有拔山之力

客座

贅語

王肯堂

王肯堂字字泰金壇人萬歷己丑進士選庶吉士授

檢討降補行人司副轉福建參政書法深入晉人堂

室輯鬱岡齋帖數十卷手自鈎搨為一時石刻冠

志

何湛之

何湛之字公露萬厯己丑進士授戶部為浙江參政

書法道美

江寧府志

湛之行草法二王入品

續說

何淳之

何淳之字仲雅湛之弟萬厯丙戌進士司李中州召

授御史書畫為流輩所推

江寧府志

淳之行書得晉人

意

續說

陸彥章

陸彥章字伯達華亭人萬厯己丑進士任至光祿寺

卿工詩文書法妍雅小楷尤工

松江志

蔣杰

蔣杰字美若普安人萬厯己丑進士以比部郎出守

南雄後罷歸流寓荊州詩文清麗書法效顏真卿

貴州

通志

張民表

張民表字林宗中牟人萬厯辛卯舉於鄉性嗜古文
詞藏書數萬卷手自點定喜飲及草書飲少許即頽
然揮灑放筆如有神助

中牟志

劉一焜

劉一焜字元丙號石閭江西南昌人官至中丞本恬
淡之思出偏側之勢筆筆蕭疎頗饒晉韻所謂無風
之水自然成文元丙之翰類焉

書史會要

沈鳳翔

沈鳳翔字孟威上元人萬曆二十年進士官兵科給

事中

江寧府志

鳳翔善草書

續說

萬壽國

萬壽國字蓋卿秀水人領萬曆甲午鄉薦志行高潔

閉門著書詩文喜韓杜書法本歐虞

秀水志

朱之蕃

朱之蕃字元价金陵人萬曆乙未狀元官終禮部右

侍郎元价為史官出使朝鮮盡却其贈賄鮮人來乞

書以貂參為贄橐裝顧反厚盡斥以買法書名畫古

器收藏遂甲於白下

靜志居詩話

之蕃真行師趙魏公間出入顏魯公與文徵仲日可

萬字運筆若飛小則蠅頭大則徑尺咄嗟而辦

江寧府志

范允臨

范允臨字長倩吳縣人萬曆乙未進士授工部主事

累官至福建參議工書遠近購者雖寸練尺幅悉藏

奔以為拱壁與華亭董其昌齊名

蘇州志

尹伸

尹伸字子求宜賓人萬曆戊戌進士仕至河南左布

政讀書汲古精於鑒賞日課楷書五百字寒暑不輟

宜賓

縣志

張文暉

張文暉字孚之萬曆二十三年進士知台州府

江寧府志

文暉善真行

續說

卜履吉

卜履吉字中立號訥齋登萬厯戊戌進士官兵憲

徵存

錄

卜中立行書師章草簡勁無媚骨望之肅然類其為

人

客座
贅語

曹徵庸

曹徵庸字遠生別號積雪萬厯戊戌進士官至山西

汾郡守為人清踈雋遠雅有潔癖書法亦道逸為世

推重 過庭訓 平湖志

陳勳

陳勳字元凱閩縣人魁庚子辛丑鄉會榜歷文學博士戶部郎謝病歸終日扃門却掃詩入唐人室字與

畫皆精妙人寶貴之 湧幢 小品

馮玄鑑

馮玄鑑字三峩萬厯庚子舉人授合肥教諭陞涪州知州乞歸結廬雙谿之濱生平高雅善文尤工書法

平湖志

劉世教

劉世教字少彝海鹽人萬厯庚子舉北闈謁選授閩清令為詩澗澗唐音文彷彿六朝儷體兼工行草尺牘

小文更雋永多寶藏者

海鹽圖經

傅淑訓

傅淑訓字咨伯萬厯辛丑進士崇禎中為戶部尚書

書法晉唐小行楷尤工得洛神十三行風味

青溪遺藁

張以誠

張以誠字君一華亭人萬厯辛丑進士廷對第一人

授翰林修撰官至右諭德文章宗蘇詩擬孟襄陽小

楷規模大令清勁有法

松江志

徐光啓

徐光啓字子先上海人萬厯甲辰進士選庶吉士嘗

學聲律工楷隸宗禎中為禮部尚書文淵閣大學士

謚文定

松江志

尹嘉賓

尹嘉賓字孔昭江陰人萬厯庚戌進士除中書舍人
歷兵部郎中陞湖廣提學副使字畫瘦勁晚更雜篆

隸出之

江陰志

宋奎光

宋奎光字培巖常熟人萬厯壬子舉人能詩文工書

法知龍川縣改寧海

蘇州志

王心一

王心一字純甫別號玄珠又號半禪野叟萬曆癸丑

進士授行人累遷刑部左侍郎署尚書事書祖坡仙

極精妙

歸田園集小傳

俞琬綸

俞琬綸字君宣長洲人萬曆癸丑進士任西安令風

流文采掩映一時臨池最勝

蘇州志

蔣如奇

蔣如奇字一先號盤初宜興人萬曆丙辰進士官湖

西大參書法瀟灑絕俗董思白稱其天骨超逸功力

復深所鑄有晉唐宋諸大家帖行世

書史
會要

楊嘉祚

楊嘉祚字邦隆號寨雲江西太和人文貞公之後也
中萬厯丙辰進士官至廣西副使書法清古與王雅

宜筆法相類

書史
會要

來復

來復字陽伯三原人萬厯丙辰進士官布政使備

兵揚州性通慧詩文書畫之外琴棋劍器百工技藝

無不通曉

靜志居詩話

曹履吉

曹履吉字提遠當塗人萬歷丙辰進士官光祿少卿

詩字有晉唐遺韻

書史會要

姚履旋

姚履旋字允吉萬歷四十六年貢士為揚州學博陞

巴東知縣

江寧府志

允吉真行法率更稍益以己意簡

峭中微帶風貌故自彬彬

客座
贅語

李開芳

李開芳字伯東別號還素閩永春人萬歷中成進士授主事累遷南太僕卿臨池之技縱橫跌蕩不減素

師

葉向高蓄
蒼霞餘草

開芳好以篆隸八分作署書自謂得斯邈遺意體勢雖涉竒怪表丈之字略無怯澀亦人所難

書史
會要

黃汝亨

黃汝亨字貞父號寓庸居士武林人萬歷進士仕至

江西學憲行草合蘇米之長

書史會要

傅光宅

傅光宅字伯俊別號金沙居士聊城人萬歷進士仕

終四川學憲書模黃豫章蒼鬱有致

書史會要

光宅善榜書所過祠廟刹院多為題額

吳縣志

朱多煊

朱多煊字中美瑞昌榮安王曾孫也封奉國將軍行

草得鍾王書法亦自珍惜之每一紙出好事者重價

購去比之蘭亭禊帖云

朱謀埠
蒲獻記

朱多炆

朱多炆字貞吉號瀑泉弋陽王孫封奉國將軍詩才

警敏行草宗米南宮雜以古字自成一體

書史
會要

朱多爨

朱多爨字垣佐號宗謙一號覺菴樂安靖莊王孫封

奉國將軍力學不倦書法初師趙文敏後法聖教序

書史
會要

朱謀壘

朱謀壘字弘之多爨子博學工詩行草法聖教序楷

法歐陽詢

書史
會要

朱謀聖

朱謀聖字隱之號八桂多爨子封奉國將軍特擅臨

池鸞鏘虎躍標幟一家屏幃榜額得手筆為重又喜

陶氏書史會要有益書家乃撫有明一代續其卷後

胡繼謙隱之先
生懿行紀略

朱謀璋

朱謀璋字鬱儀石城王孫封鎮尉萬厯中理藩政博
雅好古尤研精於六義所著有六書貫玉等書又考
訂大禹碑周宣石鼓比干墓銘手自摹臨而詮釋之

曰三古文釋

書史
會要

朱統煌

朱統煌字孝穆謀璋第三子封輔尉博雅能如其父

喜書法以懸腕中鋒為貴於諸帖能淹貫故作字必

有所本蓋以學勝者

書史
會要

朱謀淨

朱謀淨字素臣號謙山瑞昌王之枝孫封輔國中尉

雅好草書遠宗懷素近法張東海間用淡墨枯筆出

已意迫視之若雲篆煙書口噤不能讀

羅治十二
故人傳

宋之儒

宋之儒字文衡號梅川吳江人好詩奕善為摹畫顏

歐以下書法

茅坤鹿門集

金殿

金殿字子鎮號後林上元人萬厯時貢士官處州府

教授

江寧府志

金殿小楷師文徵仲行書師聖教序

續說

郭

謝將樂

謝將樂工於詩官工部草聖如張伯英行書如王右

軍蚤歲釋褐宦情泊如朱輪停時即携一編高坐匡

林命侍姬焚龍涎吸清茗半盞臨蘭亭一過

小草齋集小傳

朱音

朱音金陵人官太守行書師鐵門限圓媚流麗翩翩

動人

客座贊語

顧履中

顧履中字雲樓工署書篆隸諸體以事抵法萬厯初營建皇極殿成題棹楔者輒議辟大學士張居正薦之筆法應對稱旨擢內閣中書賜名履中

黃承璉海寧縣志

范文明

范文明字晦叔萬歷時人嫻詩賦攻六書著草訣辨

疑

草訣辨
疑序

袁表

袁表字景從閩縣人萬歷初授中書舍人遷戶部郎

終黎平知府

閩書

袁表善書

詹氏
小辨

黃道充

黃道充字于泰號楚源歙人官中書舍人工詩文好

竒字及異書僻事書宗鍾王以染翰拜神廟賜者再
又好古書畫器物品題鑒別能一一指所從來可謂

淹博矣

朱大啟曼
寄軒集

林鳳華

林鳳華字子夏號丹壺平湖人精楷法在右軍大令

間

漱石
居集

張仁

張仁字守性沙縣人居貧力學善詩精楷書萬厯中

為南雄訓導

閩書

衛可徵

衛可徵山陽人萬曆十五年為高淳訓導喜古文詞

工大小書法

項維聰高淳縣志

胡宗仁

胡宗仁字彭舉上元人隱於冶城山下生而偉壯美

髯晚年納衣拄杖反手徐步鬚髯從風飄颺市人皆

目為神仙

上元志

宗仁善漢隸得中郎遺法

書畫

彭舉師魏受禪碑簡勁方正中雅氣逼人

江寧府志

郭天中

郭天中字聖僕先世莆田人其祖以避寇徙秣陵不

事生業專精篆隸之學窮屋斷碑搜訪模榻寢食都

廢晚年隸書益進師法秦漢最為逼古

閩書

王逢年

王逢年字舜華初名治字明佐崑山人少為諸生試

經義入古文奇字為有司所黜作五敵詩謂慢世敵
嵇康綴文敵馬遷賦詩敵阮籍述騷敵屈宋書法敵

二王

靜志居
詩話

逢年書學十九體必歸晉法嘗自號小王右軍

崑山
人物

傳

鄔佐卿

鄔佐卿字汝翼丹徒人楷書臨黃庭經詩工唐律不

與人爭長用自娛悅而已

鎮江
府志

沈春澤

沈春澤字雨若常熟人才情煥發能詩善草書移居

白門

常熟志

曹大同

曹大同字子貞貢入太學授光祿寺丞書法道婉可

愛

弇州續稟

周之冕 華之方

王世貞云古隸自文待詔父子歿幾遂絕弦而二君

子頗扶許昌孔廟之祕

弇州續稟

畫史會要云周之冕

字服卿號少谷長洲人

周芝山

周芝山年八十時兩目俱枯令人以手擬筆即縱意

為之出入雙井襄陽風骨偉然

弇州續稟

羅文瑞

羅文瑞歙人王世貞題其所書醫無閭碑後云萬厯

甲戌少司馬梁公夢龍奉命犒師勒績於醫無閭山

而歛士羅文瑞書之結法自清臣誠懸是以道莊而

不駢散 奔州續彙

周炳文

周炳文字伯從別號明宇仕為都察院都事好吟咏

雅意臨池摹歐虞真蹟一時海內名公如王元美吳

明卿輩稱善相屬 唐文獻占星堂集

沈熙

沈熙號晉齋華亭人善書學鍾學王又學為歐種種

成家蓄古書畫搜剔水石蒔花種竹不問門外事

沈愷

環溪集

程福生

程福生字孟孺江西玉山人篆法壽承隸法徵仲小

楷法麻姑仙壇又法黃庭草法章草

詹氏小辨

趙仕禎

趙仕禎字彥卿樂清人官中書舍人楷法歐率更行

法聖教序分法文太史皆成章而致亦清

詹氏小辨

李寧儉

李寧儉金陵人少保惟寅弟徑寸草法孫過庭大草

法文壽承並有佳致

詹氏小辨

吳元滿

吳元滿字敬甫歙人好六書自三代及秦漢鼎彝碑

銘皆淹貫於中所著有六書正義等書

書史會要

文元善

文元善字子長號虎邱和州公嘉子書畫逼真和州

公文氏
族譜

葛雲蒸

葛雲蒸字如龍為郡諸生屢試不利乃謝去隱於鳳

凰臺畔

江寧府志

雲蒸楷書學歐陽率更

續說

孫謀

孫謀字燕貽一字五城隱居金陵十廟山下善書能

詩文與王百穀陳古白友善謝去諸生著高冠重履

短袖市人笑之不顧也每賣字得錢即付酒家

江寧府志

歐陽序 歐陽廩

歐陽序字惟禮江寧人能詩詞工篆籀仕福州府幕

官罷歸結茅於姑塘之麓終老焉

江寧府志

維禮真師率更篆八分師二李與梁鵠結構不踈古

雅有意

金陵瑣事

序弟廩亦能大小篆官松潘通判

江寧

府志

補錄 黃平倩書跋

先師黃平倩學士化去余始購其遺墨蜀友曾平仲

寄一卷皆平日試筆殘紙而蒼輿之氣出剡楮外錄
高子業二詩淵逸生動想其風行腕指時竟陵譚元
春友夏雨雪入辰陽割此紙遺之先師豁達好推天
下士得秦京而驚喜數贈以詩文使見友夏又當何
如也書不落款具眼人自能辨之蓋書待款識而定
淺矣董元宰書可贗而先師書不可贗蓋草草具有
深心全力故也友夏對此即見余并可見先師李太
白月影成三人未如今日之確也子業慧入詩鬼當

亦稱快

書畫史

六藝之一錄卷三百七十一

欽定四庫全書

六藝之一錄卷三百七十二

錢唐倪濤撰

歷朝書譜六十二

明

董其昌

董其昌字玄宰華亭人萬曆十六年進士選庶吉士授編修出為湖廣提學副使起太常少卿天啓二年改兼侍讀學士歷遷禮部尚書贈太子太傅謚文敏

天才俊逸善談名理少好書畫臨摹真蹟至忘寢食
中年悟入微際遂自名家行楷之妙跨絕一代四方
金石之刻造請無虛日尺素短札流布人間爭購寶

之松江

志

其昌云吾學書在十七歲時初師顏平原多寶塔又
改學虞永興以為唐書不如晉魏遂倣黃庭經及鍾
元常宣示表力命表還示帖丙舍帖凡三年自謂逼
古不復以文徵仲祝希喆置之眼角乃於書家之神

理實未有入處徒守格轍耳比游嘉興得盡觀項子
京家藏真蹟又見右軍官奴帖於金陵方悟從前妄
自標評自此漸有小得今將二十七年猶作隨波逐
浪書家翰墨小道其難如是

畫禪室
隨筆

其昌又云余書與趙文敏較各有短長行間茂密千
字一同吾不如趙若臨倣歷代趙得其十一吾得其
十七又趙書因熟得俗態吾書因生得秀色吾書往
往率意當吾作意趙書亦輸一籌第作意者少耳

畫書

眼

高江村云明書名之振世者南則董太史玄宰北則

邢太僕子愿其合作之筆往往前無古人

銷夏錄

董玄宰揮毫楮素簇簇如行蠶閃閃如迅雲飛電

玉劍

尊聞

董玄宰先生字畫之妙超軼前代世所共寶章都諫

魯齋令華亭日精印朱絲烏絲長箋金箋斗方雲母

箋大小副啓俱以細料潔白綿紙印裁極上者送備

先生文房之用益知先生文字不假手於人而人亦

無能爭巧於化工也

閱奎翠橋
堂箋臆

董文敏嚴君平傳卷行書 董思白書陸處士傳卷

楷書 董思白書潘安仁秋興賦卷行楷書 董文

敏花開携酒詩大行書 董思白曹公生祠碑冊行

書 董思翁法書名畫冊 董玄宰書鮑明遠舞鶴

賦并題 董文敏書宴桃李園序楷書

式古堂書
畫彙考

董玄宰字卷

僕生平見玄宰真蹟幾百卷此卷大有李邕徐浩風
雖小下晉人一等總之名世書也是日廣州刺史北
鄉先生讓至彩豪遂濡墨為題此此時波撼河樓不
減岳陽惜筆勢不堪作敵

來禽
館集

董宗伯書誥

蔡忠惠公書法妙一世而風裁自持至邵温成書碑
之命以為職非侍書歐陽六一集古目錄成得公書
叙以為厚幸元趙文敏為其宗人書誥敕皆變用小

楷亦欲稍別中翰體耳惟唐顏魯公自書誥恭謹如
式今董宗伯為吳觀察公書綸誥一如魯公自書例
無一筆越縱者蓋觀察公才品文學宗伯素所推重
不啻歐蔡之交故樂為濡染而無厭斲也書法圓勁
蒼秀兼有顏骨趙姿而顧盼雄毅加精米馬觀察得
此誠瓌寶矣

恬致
堂集

董玄宰倣顏清臣楊景度書

顏楊書於唐人中可謂絕去繚繞攬身青冥不可呼

致者矣其於右軍靈和一派終有瞠若之歎玄宰於
書無所不淹而少年得力在蘭亭聖教序所以妙會
處多未可一途取也余友孫茂叙雅善鑒極重玄宰
此書故相與評之

恬致
堂集

董思白與沈侍御書牘

思翁書法吾朝米襄陽也未經特召反繫袍袖跳躍
飛捷落筆如雲煙博金硯匣玉鎮紙之賜又不如王
岐公宣入坐便殿勅宮嬪求詩與學士潤筆各取頭

上珠花裝幀頭簪不盡者納入袖中旋取針線縫聯
袖口宴罷以金蓮燭送歸世傳為天子請客益國朝
君臣禮嚴故應爾爾若翰墨流傳朝野不減米博士
王岐公獨復菴沈侍御能寶於未遇之前梁叔出入
於懷袖之內直是真正賞鑒家家藏兩學士翰札也
新思翁題曰御墨堂為吾松第一名胄梁叔博雅堅
守清白不佞事之在師友間矣

書畫史

董宗伯手書家誥

宋制誥與勅多兼給高宗詔文武官自大夫正任觀
察以上始命辭給誥餘則令吏具抄降勅而已唐最
重誥命開元二十三年加皇子榮王以下官誥張九
齡蕭嵩等十三人就集賢院人書一通以進三相各
賜絹三百匹餘官二百匹其愛重如此顏魯公太子
少師依前充禮儀使勅牒及文惟貞贈誥皆公自書
不他屬也太宗伯立宰董公德首四科學綜六藝神
考拔之中秘光廟擢之講幃今皇帝追念甘盤累登

禁近八座正席三代䟽榮雅知譽命之方新猶歎遯
思之甚久歷按差次遷除誥勅其升沉歲月大約可
覩矣公七十一時手書數通用以發皇祖德對揚王
休而冢孫貢士庭則請礮石而傳之此公碑版中第
一烜赫之書也昔包宗禮藏熙陵誥詞則孝肅公十
五代孫歐陽齊藏慶歷知諫院官誥則文忠公十四
代孫今庭能流通見在之祖蹟不待數世而冢謨國
寶煥然揭日月而行聲價幾與顏魯公自書誥等豈

商伯乙鼎周淮父卣乃足以傳之無窮哉賢者必有

後其庭之謂矣

書畫跋跋

董玄宰書

玄宰太史精詣八法不擇紙筆輒書書輒如意此帖摹米襄陽書秦太虛龍井記大都以有意成風以無意取態天真爛漫而結構森然往往有書不盡筆筆不盡意者龍蛇雲物飛動腕指間此書家最上乘也昔人謂伯英書價可以敵國今太史片楮單牘人爭

寶之語不虛哉門人張清臣氏雙鉤廓填因以搨石
蓋於其書法加意珍愛而謀以永其傳如此余生平
無所不拙而更獨拙於書然邇來頗亦解書跋此聊
以破俗

何三畏漱
六齋集

董宗伯書法華經

董宗伯書法擅天下作小楷妙法蓮華經風流蘊藉
掩映一時予曾見之於程雲岫家三十年矣王君慈
現近得此見示如舊相識古賢士大夫栖心大乘每

以筆墨而作佛事大藏經函裴丞相皆為手題白太
傅所書金剛曾著靈異予未及見僅見蘇學士石刻
耳在毗陵日有泥金書法華云是趙承旨筆恨力薄
無由得之張太尉書法華經秀勁絕倫猶是洪武間
印本鄭翰林寶之其公子素居贈予歸鎮山門一乘
大法理須尊敬名手遺蹟出自精誠廣大流通尤當
秘重若僅作法書觀便失却一隻眼况於展轉輕褻
則風雷之變亦不待夙誓相持也謹書標首并題其

前庶使來者知儆

偏行
堂集

董宗伯尺牘

榮咨道費千金聚天下奇書而所作乃不能入中品
為識者笑此未得窺見古人用心處亦繇胸襟柴棘
不盡除耳故凡文章筆墨必須內外相應始許蹋翻
前人窠臼武夷道士王壽安年八十餘徒步負笈來
游雲間欲覓董宗伯真蹟證其生平所見予家藏尺
牘三紙是其亂頭麤服時意致特舉以贈之昔嘗游

武夷即一邱一壑之間前後左右各自為景壽安得

宗伯書試歸而求之何如李昱放鵬亭集

董思曰曹公生祠碑冊

文敏此記專師李北海間有似顏尚書徐季海者蓋係晚年之筆變化古人獨出機杼不規規形似為也

闕翁博雅嗜古蒐羅墨寶不遺餘力所藏文敏真蹟

甚夥此尤其神妙者漫識數語以附不朽康熙丁未

中元後八日華亭沈荃武古堂書畫考

董思翁法書名畫冊

有明一代書畫結穴於董華亭文沈諸君子雖噪有

時名不得不望而泣下

式古堂書畫彙考

曹溶

書評全師聖教而兼魯公藏鋒之妙小牋二十幅蒼老簡潔俱臻神境向曾見之而不能購今為題此妬

與羨交併矣沈荃

同上

董宗伯書道公碑

題刻見前

董原正

董原正字伯長

其昌從子

少有逸才臨池特妙與莫廷韓

同時風骨高華已度驂騑前

畫禪室隨筆

李日華

李日華字君實嘉興人萬曆壬辰進士除九江推官

累遷太僕寺少卿能書畫善賞鑒一時士大夫風流

儒雅好古博物者祥符王損仲雲間董玄宰為最君

實書畫亞於玄宰博雅亞於損仲而微兼二公之長

靜志居

詩話

李肇亨

李肇亨字會嘉號珂雪太僕日華子書摹褚

珊瑚網

米萬鍾

米萬鍾字仲詔其先關中人徙京師萬厯乙未進士
仕至太僕少卿性好石人謂無南宮之顛而有其癖
號為友石先生行草得南宮家法與華亭董太史齊
名時有南董北米之譽尤善署書擅名四十年書蹟

遍天下

書史會要

米萬鍾著篆隸考為二卷

孫承澤畿輔人物志

王思任

王思任字季重號遂東山陰人萬歷乙未進士知興

平當塗青浦三縣袁州推官稍遷刑工二部主事出

為九江府世稱其詩歌書法與董思白陳仲醇相伯

仲山陰志

李流芳

李流芳字長蘅嘉定人萬歷丙午舉於鄉再上公車

不第絕意進取書法規模東坡

嘉定志

趙岫

趙岫字子函一字屏國整屋人萬厯己酉領鄉薦所
居近周秦漢唐故都古金石名書多在焉援據考證
略仿歐陽公趙明誠洪丞相三家名曰石墨鐫華自
謂窮三十年之力多都玄敬楊用修所未見也

列朝詩集

趙岫云余八歲時朱秉器先生手虞伯施書使予臨
摹余私心竊慕古人每獲一名碑必摩弄累日不忍

釋去片石隻字輒疏記之

石墨鐫
華自序

詹景鳳

詹景鳳字東圖休寧人初為南豐掌教終吏部司務
深於書學用筆不凡如冠冕之士端莊可敬狂草若
有神助變化百出不失古法論者謂可與祝京兆狎
主當代所著書有詹氏小辨並千文等帖行世

書史
會要

景鳳於文章師二京時出入莊左於書師右軍父子

弇州
續藁

陳仲醇

陳仲醇工詩畫六法華亭人為高才生與同郡董其昌齊名年二十九取儒衣冠焚棄之結茅崑山之陽後居東余山工詩文雖短翰小詞皆極風致

松江志

繼儒書法蘇長公故於蘇書雖斷簡殘碑必極搜採手自摹刻之曰晚香堂帖

陳華亭詩詞諸蹟名滿三泖見冬餘記

式古堂書畫彙攷

趙宦光

趙宦光字凡夫太倉人卜居寒山所著書幾數十種

尤專精字學說文長箋其所獨解也

吳縣志

宦光篤意倉史之學創作草篆蓋原天璽碑而小變

焉繇其人品已超書亦不躡遺蹟

書史會要

趙均

趙均字靈均凡夫之子從其父傳六書之學又從燕

山僧見林授大梵字并諸國字母移日分夜父子自

相講習

吳縣志

陸萬里

陸萬里字君羽華亭人善書於時莫雲卿早逝而董文敏其後起故萬里稱獨步其昌少貧嘗作萬里書市之人以為贗弗售也

松江志

陸萬言

陸萬言字君策萬里弟萬歷五年鄉舉亦能書

松江志

周履靖

周履靖字逸之嘉興人去經生業專力為古文詞詩

編茅引流雜種梅竹讀書其中自號梅癩道人工篆

隸章草行楷與文休承王元美相友善

嘉興縣志

沈啓南

沈啓南字道明號志宗又號巢雲澄源居士嘉興人

閉戶讀書博綜載籍間為詩歌書法宗北海得句染

翰往往入作者之室

陳懿典史
隱集齋集

汪鈇

汪鈇字公良別號次嶽世居新安之雙溪壯遊太學

交多名士工詩賦草書所至以觴咏自娛

書畫

周叔宗

周叔宗初名祖以字行入南成均連蹶秋試遂棄去
為山人裝游佛徒間書法初喜希哲已學漫仕又進
學顏晚遂一意山陰父子書名大噪然不輕為人作

恬致
堂集

顧澄先

顧澄先字慧曉與周叔宗同時工歐陽書體嘗做叔

宗筆意往往酷肖而氣不如識者以此別真贋

松陵文獻

沈庭訓

沈庭訓字子承別號玉岑山人長洲人為諸生有聲

好為古文詞又喜為詩尤工書法自晉唐以來墨刻

手摹皆逼真或按其時世先後辨真贋巧拙皆如目

擊吳人士爭躋門請求書冊卷軸充塞案几慨然應

之終日無倦容

賜問堂集

周之士

周之士字士貴號四明居士齊興人工詩文能書翰
逼真魏晉嗜慕古人之蹟佳搨妙墨所在輒終年精

玩

游鶴堂
墨藪

朱期昌

朱期昌字辰翁與周之士同邑亦善書

同上

杜大綬

杜大綬字子紆吳郡人善書

珊瑚網

杜子紆望裏生烟詩帖草書

式古堂書
畫彙考

薛明益

薛明益字虞卿楷書衡山後一人也

珊瑚網

薛明益與少室札行書

式古堂書畫彙考

穆光胤

王世貞題其所臨七姬帖云與真本對覈之幾不可

辨

弇州續彙

張東白

趙宦光云前輩張東白作草篆近於迂怪亦有不可

及處

長箋

沈仲亨

詹景鳳云沈仲亨虞部志心二王之間雅以詩翰稱

南署

本集

康時萬

康時萬字孟修號郎山晚更號了予居士隱居不出

詩必宗唐字必宗晉揮毫染墨有大厯永和之風

雲間

志略

徐煥

徐煥字惟起又字興公閩縣人博學工文善草隸書萬歷間與曹能始狎主閩中詞盟後進皆稱興公詩

派 閩書

俞安期

俞安期字羨長吳江人徙陽羨老於金陵嘗以長韻

一百韻投贈王元美元美為之傾倒 宜興縣志

安期不獨擅騷壇抑亦工臨池

珊網 瑚

魏之璜

魏之璜字考叔上元人起孤貧業丹青以餬口書史會要

魏考叔真書師黃庭經結構微密神采流麗江寧府志

朱慶斯

朱慶斯字仲望生貴介孳孳向學篤好稱詩又工書

凡篆隸行草心摹手追無不習弁州山人稟

楊學詩

楊學詩字可言號琴臺子精騎射通音律書畫皆工

朱良叔
猶及編

李世嶼

李世嶼廣德順德人生萬曆甲午二歲不言善書大字如白沙先生體四歲時貴陽馬御史文卿按廣東召之見抱膝上令寫手甚小握甚固作字如碗口大

揮灑甚疾神童也

湧幢小品

白仲

白仲字子中晉陵人康敏公孫落魄能飲酒學晉人

書甚工

王穉登
雨航記

高元雅 高孟超

高元雅嘉興人汪珂玉云萬歷中來吾郡書家首推

高元雅

珊瑚
網

高孟超字公玄元雅之子能擅其傳

同上

谷淮

谷淮字文東秦中賈人子客於淮陽傭書頗好博覽

兼善音律仿文徵仲書法

靜志居
詩話

朱完

朱完字季美號白岳南海諸生萬厯時人隸書嚴整

清勁獨步一時楷書作顏體行草亦佳

書史
會要

馬元震

馬元震字伯起南海諸生隸書與朱完爭名用筆雖

古體勢多怪

書史
會要

黃之璧

黃之璧字白仲上虞人攻詞章書畫與屠隆相友善

名重一時

書史會要

沈嗣選

沈嗣選字仁舉萬厯甲午舉人志行高潔不仕書法

本歐虞

嘉興縣志

許伯倫

許伯倫行書師孫過庭勁媚錯出圓熟溫茂如王謝

兒郎皆有體韻

江寧府志

許無念伯倫子真行似乃父

而秀逸過之

同上

陸從龍

陸從龍杭州諸生善書法萬厯中詔天下工書者試

為官從龍再試稱旨授中書舍人直武英殿

杭州府志

馮其隆

馮其隆字景雲桐鄉人善書神宗朝書宣聖廟碑筆

法有唐人逸致

桐鄉志

張應唯

張應唯字汝契浦江人善二王體喜為人書世外事

自署為清樾逸叟而不名

浦江人
物補遺

溫如玉

溫如玉字白雪長洲人僑寓青州工真草篆隸尤善

鈞臨法帖有肅府石刻傳世

山東
通志

蘇眉山

蘇眉山字志乾莆田人領順天鄉薦知新會縣萬厯

初卜居於沙長於吟咏尤善臨池

延平
志

詹希賢

詹希賢休寧人善篆隸諸體著書筌極論書法四方

多師之由儒士授江西檢校

徽州府志

詹萬里

詹萬里希賢子以善書重一時

全上

馮敏効

馮敏効字忠卿平湖人善屬文杜門著述工大小行

書著字學一卷

平湖志

陸曾煜

陸曾煜字章之會稽人精於字學博採諸家作字原

私謚曰毅真

紹興志

劉世學

劉世學字石屏山陰人精鍾王書法泰昌登極以殊

恩授職不仕禮部郎中張夬顏其廬曰字隱

山陰志

朱應佐

朱應佐字宸卿居靈脂粉塘工詩善真草書與朱鷺

趙宦光輩相唱和縱遊名山佳水間

吳縣志

葛應典

葛應典字貞白少孤讀書以孝廉自砥為縣諸生有聲性喜臨池行楷入羲獻之室

吳縣志

韓治

韓治字君理長洲人八歲能書徑尺大字董其昌目

之為神童舉於鄉知雲和縣調黃巖

蘇州府志

高道素

高道素字玄期號明水嘉興人歷官工部屯田郎中

善鑿古工字學

嘉興縣志

李坤

李坤將樂人年少不羈傲睨物表工詩善草書游吳

越燕趙間鍾伯敬林茂之皆器重之

延平志

蔣之芳

蔣之芳字士榮號適菴萬厯中為崑山訓導工草隸

蘇州志

張元舉

張元舉字懋賢陳道復外孫書法文待詔端逸有體

吳縣志

浦融

浦融字通詹吳縣人書法倣晉人筆意

吳縣志

璩之璞

璩之璞字君瑕楷法妍雅人品高潔不趨榮利士論

多之 松江志

方元懷

方元懷號兩江歙人善書隆萬間名噪一時

徽州府志

葛符

葛符字君信吳之西洞庭人事莫公遠傳其書法

吳縣志

志

葛一龍

葛一龍字震甫符子嗜古力學書法亦迺古可傳

同上

強存仁

強存仁字善長學周天球書獨有深解

同上

彭汝諧

彭汝諧字原素號蔚菴萬厯丙辰進士善書

同上

鄒謙

鄒謙字仲撝號自牧博學善吟好鍾王書人皆推之

常熟志

趙之璧

趙之璧字十五後改名珣字枝斯莆田人善草書

福建

通志

梁山

梁山字靜卿好稱詩尤善臨池萬厯中為龍門訓導

博羅縣志

龍德化

龍德化武陵人為徽州判官工詩善書

常德府志

彭天禩

彭天禩字禔卿號念溪為高州府經歷書學二王

萬載

縣志

宋九德

宋九德字士吉篤志博古工詩文善楷書為萬安縣

訓導

同上

郭汝宣

郭汝宣字贊明號月塘萬厯乙巳歲薦博通經史善

楷書

同上

黃叔遁

黃叔遁行書法章草而清勁特甚

江寧府志

張朗

張朗性孤介不樂與俗伍家貧以醫自給能詩善行

楷書

松江志

項拱辰

項拱辰字惟忠善大小楷書

崑山志

杜士基

杜士基號筏城博雅嗜古善楷書嘗手鈔二十一史

精好絕倫

松江志

潘緯

潘緯字象安歙人善詩工隸書官中書舍人

徽州府志

朱履

朱履字與白仁和人善屬文亦工書篆隸皆可觀

杭州

府志

顧端

顧端海鹽人工詩畫精六書義為上舍生

海鹽圖經

葛曉

葛曉字雲岳上虞人長於詩文工書法

紹興志

金湯

金湯字維垣浙人善鼓琴能詩尤工顏魯公書法青

州碑碣多出其手

山東通志

車時俊

車時俊將樂人博物洽聞以楷草書名

延平志

梁思年

梁思年順德人博古工詩翰得其隸書者競珍之

廣東

通志

黎永正

黎永正番禺人舉孝廉博學善文工楷隸廣東通志

徐昆

徐昆莆田人善篆隸閩書

許用敬

許用敬字孟輿能詩工書落筆道逸邢侗以為弟子臨邑縣志

歸昌世

歸昌世字文休崑山人能詩文書法遍晉唐

蘇州府志

顧聽

顧聽字元方精於字學趙宦光纂說文長箋相與考

訂

吳縣志

沈如封

沈如封字慰先工詩文尤精八法

石門縣志

吳潛

吳潛字餐霞書法得米南宮筆意

同上

沈甲秀

沈甲秀字凝芝長於詩文博通篆學同上

諸文星

諸文星字紫鄰善詩工篆隸楷書石門縣志

王雯東

王雯東字坦富為人方正和介能詩工行草江寧府志

官賢

官賢字子選仕温州府推官博學多才工草書善吟

咏 延平志

車素

車素將樂人楷書學歐陽詢 同上

胡靖

胡靖南平人工書畫後為僧名澄雪 同上

朱廷剛

朱廷剛字天德好讀書尤深於易習晉唐書法自號

九峰先生 浦江人 物補遺

周梓

周梓字啓孝巴陵人工法書善吟咏官貴溪縣丞

羅治

十二故
人傳

朱賓

朱賓字元賓吳江人有經學書法趙孟頫

松陵
文獻

周宣

周宣莆田人書絕似米南宮嘗為常德推官

游居
錄

錢伯升

錢伯升雅士也精醫工草隸

敬菴集

陸長庚

陸長庚樵李人萬厯間人善草書

翠橋堂箋臆

尤道恒

尤道恒能楷書字體遒勁

奔州續索

王應賓

王應賓太倉人書學娜如子亦能窺藩

同上

王慎修

王慎修王履吉之從孫能書

同上

杜大中

杜大中姑蘇人官主簿善書

詹氏小辨

文從先

文從先字用之號岷陽肇祉子工書畫

文氏族譜

姚之裔

姚之裔真行學松雪

續說

羅萬象

羅萬象字惟一草書學懷素續說

李世澤

李世澤號半野工飛白全上

郭惟誠

郭惟誠字成也真行學朱射陂同上

林景暘

林景暘號乳泉善真行同上

吳鉞

吳鉞臨川人嘗為御史詩與字俱有法

湯顯祖玉茗堂集

蕭端岳

蕭端岳字鎮之江西泰和人工篆書

書史會要

洪珠

洪珠字玉方號西淙山人官參政善行草

同上

張環

張環樂清人以神童舉入翰林為中書舍人八歲時

能作徑丈大字

同上

章冕

章冕字尚周號服齋嘉定諸生善楷書行草尤工大

字

同上

鄧良佐

鄧良佐字損齋南海人工隸書

同上

宋臣熙

宋臣熙號起巖溧陽人官廣東新安令善書小楷宗

黃庭

同上

黃應僖

黃應僖閩人詩文字畫兼工

胡甲桂遠齋詩草

顧杲

顧杲字子方無錫人工草書大字員豪氣死於兵

石五

瓠

范文光

范文光內江人草書有高致

同上

錢邦芭

錢邦芭草書道勁

同上

曹延光

曹延光字瞻明號間止居士書學鍾

珊瑚網

蔣元龍

蔣元龍字神卿華亭人書法與莫雲卿一體

同上

洪邦基

洪邦基字慶之能文工小楷

同上

鍾快

鍾快竟陵人鍾惺弟長齋事佛通書畫

譚友夏集

王衍相

王衍相閩人摹刻聖教序一通於岳廟頗欲亂真

丑張

清河書畫舫

六藝之一錄卷三百七十二